



Sumnjiv odabir najpovoljnijeg ponuđača za štampanje

Iako istraga Tužilaštva BiH još nije završena

CIK planira štampanje glasačkih listića za naredni mjesec

Iako tvrde da izborni rokovi nisu ugroženi, istraga koju je 30. juna naložilo Državno tužilaštvo mogla bi potrajati

Uprkos istrazi Tužilaštva BiH o okolnostima pod kojima je poništena odluka Centralne izborne komisije (CIK) BiH da hrvatska firma „Zrinski“ iz Čakovca štampa glasačke listiće za oktobarske izbore te da taj posao bude povjeren banjalučkoj firmi „Atlantik“ iako je za 250.000 KM skuplja, u CIK-u tvrde da to neće utjecati na izborne rokove i da je posao štampanja glasačkih listića planiran za naredni mjesec.

No, kako saznaje „Avaz“, istraga koju je 30. juna naložilo Državno tužilaštvo mogla bi potrajati. Prema našim saznanjima, u toku je provjera sve

dokumentacije i procedura koje je pokrenuo CIK još raspisivanjem međunarodnog tendera za ovaj posao.

Također, u fokusu istrage žitelja su žalbeni postupci koje je provodio Ured za razmatranje žalbi BiH, koji je i uvažio žalbu „Atlantika BB“ iz Banje Luke te eliminirao „Zrinskog“ iz posla za koji se u izbornom procesu, osim biračkih odbora, izdvaja najviše novca.

Posebno je sumnjiv

Jučer je istekao rok u kojem se „Zrinski“ mogao ponovo žaliti Uredu, pa će se narednih dana znati jesu li to iz ove kompanije učinili i kakav će biti ishod tog postupka.

odnos Ureda prema njihovim obavještavanjima u smislu obavještavanja CIK-a o žalbenim procedurama po njihovim odlukama, što Ured, prema svim dosadašnjim informacijama, nije

ispoštovao. I dok u CIK-u kažu da sve teče po planu, ostaje upitno hoće li za istražitelje i Tužilaštvo BiH biti sporno to što je „Atlantikov“ podugovačač poslova „Službeni glasnik RS“. Ova institucija je pod ingerencijom Vlade RS, a opet vlasnik „Atlantika“ je navodno u prisnim vezama s Miloradom Dodikom, predsjednikom RS i SNSD-a.

Ispitivanje ovih činjenica, veza te njihovog eventualnog utjecaja na konačan odabir firme koja bi trebala štampati listiće moglo bi produžiti istražne radnje i samu odluku Tužilaštva BiH u ovom slučaju, što bi, ipak, moglo utjecati na rokove.

S. D.

Dostavljena sva dokumentacija

Pripadnicima Državne agencije za istrage i zaštitu (SIPA) jučer je dostavljena sva tražena dokumentacija iz CIK-a i ostalih aktera u proceduri izbora najpovoljnijeg ponuđača za štampanje izbornog materijala, po-

tvrdeno je za „Avaz“ u SIPA-i.

- SIPA već analizira svu dokumentaciju s ciljem utvrđivanja eventualne nepravilnosti. Izvještaj će nakon provjera biti upućen Tužilaštvu BiH - rečeno nam je iz SIPA-e. M. Aš.